



Газет 2001-йисан  
ноябрдилай акъатзава

РД - дин Докъузпара райондин общественно-политический газет.  
Общественно-политическая газета Докузпаринского района РД.

# Эренлардин СЕС

№49 (823) 6-Декабрь, арбе, 2017-йис. Газетдин са экз. кьимет - 12 манат.

ЮБИЛЕЙ - 95

## СССР арадал атунын тарихдай...

Россиядин империяда граждан дяве кутьягъ хъайила, вилик –кьилик квай партияди коммуниствилин идеяриз кьетлен фикир гузвай. Уьлкведин экономикада зурба харапалухвилер хъанвай, гьукуматдин идарайри, карханайри кьвалахзамачир, чилер лежберриз пайнавайтлани, хуьруьн майишат кьекьерай акъатнавай, транспортдин коммуникацияр, алакьа кьайдадик кумачир. Вири гьавурда авай, Россиядин империя алакьаламишзавайди ракъун рекьер ва телеграф тир. И инфраструктураяр кардик тахьуни гьукумат чкьидай гьалдиз гьанвай. Грузияда, Азербайджанда, Арменияда, Украинада, Белоруссияда гьукумдин кьиле Ленин, Троцкий хьтин большевикар акъвазнавай. Кьилин гьукуматдиз чкайрал алайбур гуьзчивилик хуьдай такьат амачир. Винидихь кьейднавай республикайри Германиядихь, Польшадихь, Туьркиядихь ва маса Европада уьлквейрихь галаз дипломатвилин алакьаар кутлунзавай. Москвади и курс регьмлувилелди кьабулзавайтлани, и республикайрихь гележегда махсус кьенепатан ва кьещепатан сиясат арадал атунын кьурхулувал авай. Ленинадни Сталиназ и гьалда



цийи Россия чукулунин вахтунин лишанар акуна. Ленина республикайриз азадвадвилин терефар ачухарзавайтла, Сталина кьилин мягькем гьукумат арадал гьун важиблу яз гьисабзавай. И.В. Сталина, кьилинди низамлувал, гьукумдин кьвалахар гьялдайла, векъивал сифте чкадал эцигнавай. 1919-йисуз советрин республикайрин военно-политический союз тешкилнай. Адан жергейра Россия, Украина, Латвия, Литва, Белоруссия авай. И кьвалталдин макьсад дуньядин империализмдин аксина женг тухун тир. Абурун садвилди гьеле Лацу армиядин ва интервенциядин винел гьалибвал кьазанмишнавай. Абур винидихь кьейднавай РСФСР-дихь

галаз икьраррин алакьайра авай. 1920-1921-йисара Россияди ва Азербайжанди дявединни экономикадин алакьаар кутлунна. Россиядин, Украинадин, Грузиядин союздин икьрар мягькем хъана. РСФСР-дин ВЦИК-диз Украинадин, Белоруссиядин Кавказдин республикайрин векилар кьабулна. 1921-йисуз Госплан арадал гьана. Ахпа Россиядин Федерациядин сергьятрин ва экономикадин сергьятра аваз автономияр арадал атана. Сталина «автономизациядин» план арадал гьана. Адан суьрет советрин республикаар РСФСР-дин кьурулушдик кутун тир.



Сталинан тереф В. Молотова, Г. Орджоникидзе, В. Чичерина ва масабур хвена. Гзаф гъужетар алай месэляяр авай. ИкI ятIани, 1922- йисан 30- декабрдиз СССР тешкилна. Советрин Сад лагъай съезддал СССР ва Союзный Договор (икъар) арадал гъунин рекъяй Декларация къабулна. Республикаяр Соозда санал хъуни граждан дяведи арадал гъайи судура арадай акъудуниз, экономика вилик тухуниз, медениятдин алакъяяр тешкилуниз куьмек гана. XX лагъай асирдин 20-

30- йисара вири республикайра мектебар эцигзава, театрар ачухзава, информациядин такъатар вилик тухузва, эдебият арадал гъызва. Алимри кхьинар чирзава, алфавитар туькIуьрзава. Медицинадин къурулуш мягъкемарзава ва виликди тухузва. Эгер 1917- йисуз вири Кеферпатан Кавказда 32 врач авайтIа, 1939- йисуз абурун кьадар 355 пешекардив агакьна. Коммунистрин партиядин теклифдалди СССР тешкилайла, виликан Россиядин империядин 185 миллет ва халкъ сад ийиз ва сад

хьтин руьгьдин идеяралди тупламишиз алакьна. Миллетрин садвили, дуствили, арада къижвал тахъуни советрин халкъ лап четин имтигъанрай акъудна, Виридуьньядиз къурху гузвай фашистрин, миллетбазрин винел гъалибвал къазанмишдай мумкинвал гана. СССР-дин тарих Урусатдин тарихдай акъудиз тежедай пай я.

Шагъбала ШАГЪБАЛАЕВ

## Хайи чIалан месэляяр веревирдна

И мукъвара Махачкъалала кардик квай «Дагъустан» ГТРК-дин Лезги редакциядин «Шалбуздагъ» ТВ-каналдин студияда «Лезги чIал: хуьн ва вилик тухун, нугъатар ва чIалан михъивал» лишандик кваз нубатдин передача кьиле фена. Ам кьиле тухвайди ва тешкилайди тIвар кьунвай ТВ-дин лезги редакциядин редактор Наира Рамазанова я.

ЧIалан гъялна клани месэлайрин гъакьиндай веревирдер авун патал передачада алим, шаир Фейзудин Нагъиева, «Лезги газетдин» кьилин редактор, шаир Мегъамед Ибрагъимова, «Алам» журналдин редакциядин векил, муаллим Раида Саидовади ва и царарин авторди иштиракна.

Филологиядин илимрин доктор, шаир ва таржумачи Ф. Нагъиева къейд авурвал, алай вахтунда лезги чIал авай гъал са акъван писди тупш, амма гъял хъуьуна клани, гуьнгуьна хтуна клани месэляяр тIимил кIватI хъанвач.

«Лезги газетдин» кьилин редактор М. Ибрагъимова газетдин чIалакай, кIелзавайбуру чIалан жигъетдай гузвай теклифрикай, абурун фикиррикай ихтилатна. Мадни, алай вахтунда сифте нубатда чяхъ орфографиядин халисан гафарган хъун герек тирди ва идан гъакьиндай ихтилатар гзаф хъанватIани, месэладал кIукI кьвен тийизвайди лагъана. Исятда чяхъ авай жуьреба-жуьре гафарганра хейлин гафар са шумуд жуьреда (кIалубда) кьалурнава.

Муаллим, журналист Р. Саидовадин фикирдалди, эдебиятдин



чIал анжах са гуьне нугъатдикай ибарат хъун виже къведай кар тупш. Амма гъакьикъатдиз фикир гайитIа, эдебиятдин чIал са тайин тир нугъатдал (диалект) сергъятламиш хъанвач ва акI хъунни тIебиисуз кар я. ГъакIни ада лезги чIал патан гафарикай михъунин гереквал авайди ва и жигъетдай «Алам» журналди тухузвай кIвалахрикай къейдна.

Ф.Нагъиева М.Ибрагъимоваз чIал хуьнин ва учебникар акъудунин кIвалахрал гележегда кьетIен гуьзчивал тухун патал «Лезги газетдин» кьвалав махсус экспертрин совет арадал гъунин теклиф гана.

И царарин авторди сифтени-сифте алай вахтунда орфографиядин кьанунрал, абур кьанунар яз амай кьван, амал авун герек тирди ва акси дуйшуьшда, гъар сада вичиз кланивал кхьиникди чIалан гъалар хъсан

тежедайди къейдна. Алай вахтунда чIала еке дегишвилер тунин чарасузвал авач, амма гуьнгуьна хтуна клани месэляяр ава. Гъавилияй сифте нубатда лап чарасуз тир, гъялиз жедай месэлайрилай эгечIун герек я.

Санлай къачурла, иштиракчийри лезги чIалан орфографиядинни орфоэпиядин, лексикологиядинни лексикографиядин, фонетикадинни графикадин месэляяр веревирдна.

Эхирдай передача кьиле тухузвайди тир Н.Рамазановади акъалтзавай несилриз чIал чир хъунин месэла гзафни-гзаф хзандилай, диде-бубайрилай аслу кар тирди къейдна ва редакциядин мугъманриз метлеблугу ихтилатар авунай сагърай лагъана.

К. Къалажухви

# Шейх Мугьаммад аль-Ярагъи

(Дидедиз хъайдалай инихъ 240 йис тамам хьунихъ галаз алакьалу яз)

Шейх Мугьаммад-эфенди аль-Ярагъи 1777-йисуз Къиблепатан Дагъустандин Ярагъ хуьре алимдин хизанда дидедиз хъана.

Илимдихъ ва келунихъ ялай адакай, нетижада чехи алим хъана. Ада Шариатдин гзаф илимар чирна. Вичин вахтунда адалай Къуръан хъсан чидай кас Дагъустанда гъич авачир. Дагъустандин вири пиперай адан патав муьридар атуниин себеб, Аллагъди адаз гайи дерин чирвилер хъана. Мугьаммад аль-Ярагъидин тIвар Туьркияда, Бухарада ва Персияда машгъур хъана. Аллагъдиз ибадатуниз ва диндиз акьалтIай жуьреда къуллугъуниз, шейх Ярагъви Мугьаммад хъсан чешне тир. Вичин муьридриз шейхини Исламдин кьанунар, эхир авачир къван Аллагъ кIан хъун, инсанрихъ галаз хъсан рафтарвилера хъун чириз хъана.

Са сеферда Бухарада авай шейх Исмаил-эфенди аль-Куьрдемериди Мугьаммад Ярагъидиз кагъаз рекье тунвай. Ана шейхини Хасмугьаммад-эфенди аль-Ширвани Аллагъди чирвилер ганвай вичин куьмекчи тирди къейднай: «Эгер ваз, зи стха Мугьаммад-эфенди, завай са шей чириз кIан хъайитIа, ваз ам Хасмугьаммадавай жагъида. Эгер вун адахъ инанмиш хъана вафалу хъайитIа, вилериз акваз тежер, япариз ван текъвер, рикIивай къатIуз тежер шейэри вун агакъда. Гьакъикъатда, ада зини вичин ругъанияр сад авунва».

Вичиз рекье тур кагъаз кIелайдалай къулухъ, Мугьаммад аль-Ярагъидин рикI ва руьгъ секин хъана. А вахтунда аль-Ярагъиди вичиз Накъшубандий тIарикъатдин бинеяр чирун патал шейх Хасмугьаммад-эфендидиз тавакъу авуна. Гьа вахтунда ада, Мугьаммад-эфендидиз къве йисуз тIарикъатдин вири сирер ачухна. Чехи дережадив



агакъай Мугьаммад Ярагъвидиз вичин муаллимди, муьридар тербияламишдай ихтияр (*иджаза*) гана.

Писатель Лесли Бланша вичин «Женнетдин гапурар» тIвар ганвай ктабда шейх Мугьаммад-эфенди аль-Ярагъи Имам Шамилан муаллим тирди кхъизва. Урусрихъ галаз дяве фидай вахтунда ада, Имам Шамилаз меслятар гудай.

Са сеферда шейхини Дагъустандин халкъдихъ элкъвена лагъаналда: «Куьн я мусурманар, я хашпараяр, я мажусияр туш... Пайгъамбарди, Аллагъдин патай салам ва хийир-дуьа хъурай адаз, лагъана: «Ни Къуръандал амалзаватIа ва Шариат чукIурзаватIа, гьам халисан мусурман я».

Малум тирвал, Къуралийа вилайтдин халкъ Шейх аль-Ярагъидиз муьтIуьгълу тир. И гьалдикай ван хъайи Къазикъумухдин хан Аслан Гъусейнан рикIе куькIвей пехилвили, шейх адаз гзаф дакIанарна. Аслан Хусейн-хан

Мугьаммад Ярагъидин геле кьекъвез хъана, инсанриз адан патав физ къадагъа эцигна.

Шейх Мугьаммад аль-Ярагъидин тереф хуьниз, а вахтунда хандин кхъинарлайдан кIвалахар тамамарзавай Жамалуддин-эфенди Къазикъумухви экъечIна. Ада шейх аль-Ярагъидин гъилик чирвилер къачуз хъана. Гьа са вахтунда Жамалуддин хандикай са шумуд йикъан къене чъунуьх хъанвай.

Чехи дережа авай Жамалуддин-эфенди, къуддиси сирругъу, Шейх Мугьаммад аль-Ярагъидин муьруьд хъуниз килигна, хан ва жемят тажуб хъана амай.

Хандин буйругъдалди Шейх Жамалуддин-эфенди адан патав гъиз туна. КIвализ атай Жамалуддин-эфендидиз килигай хандиз, адан тупIарай акъатзавай ажайиб экв акуна. Тажуб хъайи ханди лагъана: «Акъуд ам инай, рекъимир ва чи вилайтдай суьругън ая».

Са къадар вахтар алатайла, Жамалуддин-эфендиди къиле Гимри хуьрйяй тир Къазимугьаммад имамвиле акъвазарна дирибаш дагъвияр галаз, диндал алачирбурухъ галаз дяведиз экъечIадайди икърар кутIунна. Адан макъсад Шариат, тIарикъат хуьн ва Ислам дин хкажун тир. Гьа вахтунда имам Къазимугьаммадан патав Мугьаммад Ярагъини куьч хъхъана.

Ана Мугьаммад-эфендиди Аллагъдин куьмекдалди, Пайгъамбардин, Аллагъдин патай салам ва хийир-дуьа хъурай адаз, ва Накъшубандий тIарикъатдин шейхерин берекат себеб яз, Жамалуддин-эфендидиз тербия гана, адан дережа вини кIарариз акъудна.



1830-йисуз Мугъаммад аль-Ярагъи Дагъустандин жематдин вилик экъечІна, ада гуж гузвай душмандихъ галаз дяведиз экъечІуниз виридаз эвер гана. Адан къарардалди Дагъустандин имамвиле Къазимугъаммад хкъягна. Гуьгъуьнлай шейхини вичин руш имамдиз гуьлуьз гана.

Къазимугъаммад дяведа кечмиш хъайи вахтунда, имамвиле Гоцатль хуьрай тир Гъамзатбег хкъягунин себеб Мугъаммад-эфенди хъана. Гъамзатбег регъметдиз фейила, имамвиле хкъягъай Шамилан Мугъаммад-

эфендиди тереф хвена.

Шейх Мугъаммад-эфендиди Имам Шамилаз кхъенвай кагъазрикай сана, икІ лагъанва: «Эгер вуна чахъ галаз гъамиша алакъа хвейитІа, вун гъалиб жеда, тахъайтІа - кумукъда». Кагъаз, талукъ тир Къуръандин сурайрал ва гъадисрал мягъкемарнавай.

Кавказдин дяведа Мугъаммад-эфенди аль-Ярагъиди къугъвай чІехи ролдикай хабар хъайи пачагъдин гъукумди адан кІвалахдал эхир эцигун къетІна. Ам дустагъламишна, Тифлисдиз (Тбилисидиз) суьргуьннай, амма са

мукъвал вахтунилай азад хъувунай.

Мугъаммад аль-Ярагъи 1848-йисуз кечмиш хъана. Ам Гуниб райондин Согратль хуьре кучуднава. Адан сур мусурманрин зияратдиз элкъвенва. Вичин чкадал ада, Къазикъумухдай тир Жамалуддин-эфенди туна.

Къуй чи лезги халкъ, Шейх Мугъаммад аль-Ярагъидин берекат себеб хъана, Дагъустанда Ислам дин виниз акъуддайбурукай хъурай! Амин.

А. ЭМИРСУЛТАНОВ

АРБЕН КЪАРДАШ

## ЧЕПЕЛУКЪ

Эй чепелукъ, даим ашукъ экуьнал,  
Рази я жал вун ви чан цІа туьхуьнал?  
Ви ашукъвал буьркъувал я, я къейди!  
ЦІайни буьркъуь я хъи-вични куькІвейди!  
Къвез акъазва вун зи йифен дакІарда,  
Къару хъана зи лампадин парпардал.  
Вилер ганва хупІ дакІардин шуьшедиз,  
Гуя дунмиш хъана ам зи рикІе дуьз:  
Ада вун цІув агудзавач, я къейди,  
Бедбахтвилек акудзавач, я къейди!  
Хкадарна, ингъе, килиг, лампа за,  
Зи пенжерни ахъайда ваз ахпа за.  
Вун кун тийир цІай зи рикІин къатІана,  
Гъахъдани вун зи къазмадиз атана?  
Ваь! Квахъна вун мичІи йифен къурсахда,  
Вун алугдай са лампадин суракъда...  
Зазни кІандай ахътин са цІай –лаван саз,  
Герек, гъайиф тежен заз а цІа чан тваз.

\*\*\*

Чепелукъди чепелукъ цІал тухуда,  
Вични, гъамни цІун меперив вугуда.  
Жанавурди жанавурдиз суьруьдал  
Вегидай са жигъир къалур ийида.  
Билбил хъиткъин жеда къизгъин манида,  
Муькуьдини –хъиткъинайдан дердинай.  
Инсандини инсан цІа тваз тухуда,  
Вичиз игит, адаз хайин лугъуда.  
Инсандини инсан халкъар къирмишдай  
Рекъел гъида, адаз тажар багъишда.  
Инсан къейи чІавуз инсан ишеда,  
Инсан хайи чІавуз инсан хъуьреда.  
Гъашаратдиз, ничхирдиз ва гъайвандиз-  
Гъардаз вичин макъсад чизва хъсандиз.  
Амма, инсан –акъул авай гъашарат,  
ХупІ залан пар тушни ваз ви башарат,  
Амма, инсан, гъашарат къван акъулди

Ви мурадра цифер твазва рагъул тир.  
Писвал авун-жуваз авур гысаб я,  
Масадаз жув къурбанд авун суваб я.

## ШИШ-КЪАВАХ

Шиш-къавах тар къурана зи дакІардихъ,  
Мад адан вил галамукънач шагъвардихъ.  
Къакъан цавар ам паталди ичІи я;  
Дувулриз чил сур хъанва, сур мичІи я.  
Гила адаз ни лугъуда: къавах я?  
Им ажал вич, адан буйни бухах я.  
Нивай акъваз хъуй ажалдин къаншарда?!-  
Алахъна зун килиг тийиз дакІардай.  
Вахтар фена, йисар фена алатна,  
Бахтар фена, ясар фена алатна.  
Садра сагъиб хъана закай суалдин:  
«Алачир хъиз яни вал вил ажалдин?»  
Лагъана за: «Жувни адаз килига,  
Гъазур хъухъ ам къабул ийиз виликай».  
Тамашна зун дакІардай шиш къавахдиз,  
Ягъдин тегъне текъвервал зи тангъахдиз.  
Къуру тарцел са шумуд хъахъ акуна-  
Заз ажалдай уьмуьрдин гъахъ акуна!  
Къунвай танди а хъахъариз чан гана! –  
Худа, мад заз ви сирери кван гана!  
Мегер гъар са инсанни шиш- къавах я,  
Беден –рекъир тан яз, руьгъни са хъахъ я?

## КЪВЕЧХЕЛ ТАР

Ялгъуздаказ экъечІай тар хуьруьн куьчедал,  
Ам вуж тиртІа, вуж туширтІа вун кутур инсан?  
Гатфариз вун фарашидиз жедай цуькведа,  
Зулуз ичер алай хилер жедай ви залан.  
ЦІайлапанди ягъна садра, авуна къве пад,  
Къве хайи лув хъиз, къве патахъ акІаж хъана вун.  
Эхна вуна цавари ваз ракъурай инад,



Ганач на чан, мад уьмуьрди хкаж хьана вун.  
Ви аламат йисарилай хьана халкьдиз сир,  
Аллагдайвай адан жаваб кьаз авай хабар:  
Са йисуз са пата цуькиз, ви емиш бул тир,  
Муькуь йисуз муькуь патал- цуьк-бегьер самбар.

Ам вуж тиртIа, вуж туширтIа вун кутур инсан?  
ТикрарнатIа на адан руьгь, гагфар –зул, кьуьд-гад?  
Куьз ятIани вакай ухшар кьвезва за жуван,-  
Гьи цIайлапан ятIа ам, зун авурди кьве пад?

## СА КЬУЪЗУЬ ЛЕЗГИДИ УРУСАТДИН ПРЕЗИДЕНТДИЗ КХЪЕЙ ЧАР

“Гзаф гьуьрметлу, азиз Ширзидент!  
Кхьизва за ваз тирвилйай вал бенд.  
Акурди я заз пачагьар пара,  
Рамдай, тIарамдай, ийидай гьара.  
Заз чизва, чан хва: вал гьалтай уьлкве  
Къажгьан я еке туьнт хьайи сирке.  
Акурди туш заз и заманда кьван  
Гьакимар сарсах, бакьаяр икьван,  
Фасикьрилай фейибур шеври,  
Кьурумсахарни лутуяр игри,  
Чклиз каф, гуз гаф, ягдайбур тупар,  
Жавабдарвиллин течидайбур пар.  
Жанабияр яз жибинар дулу,  
Ийидани бес халкьар икI шулу?  
Садавайни чаз жагьизмач кье гьахь.  
За ваз акьул гун, на ам тадиз яхь.

Ламрал терсина лезгийри кьадим  
Акьадардай тир гаф чIурай итим.  
Гваз кьекьведай тир гьар гьарамзада,  
Вилйай аватна халкьдин арада.  
Гьа и кьанун на кьабулайтIа фад,  
Уьлкве –авадан, элни жеда шад.  
Думада тIимил я ксар аси,  
Ви паталлайбур желач ваз акси.  
Твазва са карди зи чанда гумар:  
Гьукумдаррилай тIимил я ламар.  
Бес тежзвайбур, кьизилни гана,  
Яд уьлквейривай фад, кьачу, вуна.  
И терс гьакимар терсина ламрал  
ТакьадарайтIа, вай жеда чи гьал.  
Бейкеф жез тахьуй, -зи чуру я жив.  
Зи гаф кьуртIа, ваз багьишда за шив!”



## РЕСПУБЛИКА ДАГЕСТАН МО «ДОКУЗПАРИНСКИЙ РАЙОН»

### Собрание депутатов сельского поселения «село Каладжух»

4 декабря 2017 г.

с. Каладжух

#### РЕШЕНИЕ

В соответствии с ФБ-131 от 06.10.2005г “Об общих принципах организации местного самоуправления в Российской Федерации”, Уставом с/п «село Каладжух», и Положением о порядке проведения конкурса по отбору кандидатур на должность главы с/п «село Каладжух», собрание депутатов сельского поселения «село Каладжух»

#### решило:

Избрать главой сельского поселения «село Каладжух» сроком на пять лет Мирзоева Замидина Мирземетовича  
Вновь избранной главе обнародовать данное решение в СМИ района, а также разместить на сайте сельского поселения.

Председатель Собрании депутатов: А.Х. Мурадov

## Уважаемые жители Докузпаринского района!

В виду начавшегося охотничьего сезона заранее извещаем Вас о необходимости соблюдения правил пограничного режима в пограничной зоне при осуществлении Вами промысловой деятельности!

Жителям населенных пунктов входящих в пятикилометровую полосу местности вдоль линии государственной границы а именно; и. и Каракюре, Каладжух, Микрах-казмаляр и Куруш, для получения разрешения на промысловую

деятельность (охоту), необходимо обратиться в пограничный орган с заявлением установленного образца с приложением копии лицензии из



Министерства природных ресурсов на отстрел определенного вида животных или птиц. Разрешения рассматривается и выдается в течении пяти рабочих дней.

Лица зарегистрированные за пределами пятикилометровой полосы местности вдоль линии государственной границы РФ (т.е. не в н.п. Каракюре, Каладжух, Микрах-казмалар и Куруш), кроме разрешения должны получить еще и пропуск предоставляющие право для прохода (въезда), временного пребывания и передвижения в пятикилометровой полосе местности вдоль линии государственной границы РФ.

Для получения пропуска Вам так же необходимо обратится в

пограничный орган заявлением (с приложением копии паспорта и лицензии на отстрел определенного вида животных или птиц). Срок рассмотрения заявления на получения пропуска до одного месяца для граждан РФ и до двух месяцев для иностранных граждан.

При проведении непосредственно промысловой деятельности (охота), Вам необходимо иметь с собой документы удостоверяющие личность (паспорт), разрешение дающее право на ведение промысловой деятельности (охоты) установленного образца, лицензию на добычу определенного вида животных или птиц и разрешения на имеющее у Вас оружие.

**Лица нарушившие правила пограничного режима будут привлечены к административной ответственности по ст.18.2 КоАП РФ. (Предупреждение либо административный штраф в размере от 500 до 1000 рублей).**

Д о п о л н и т е л ь н у ю информацию Вы можете получить в администрации по месту проживания или по телефону:

**8-964-007-82-08.**

**Заранее благодарим за законопослушность и оказание содействия в соблюдении правил пограничного режима!**

**С уважением, руководство отделения в н.п. Калер.**

## Бесплатно – не значит некачественно!

Не все дагестанцы знают, что с полисом обязательного медицинского страхования можно обратиться в частный медицинский центр и получить бесплатную помощь. Но для этого нужно совпадение двух условий: 1) частный медцентр (организация) должен осуществлять деятельность в системе обязательного медстрахования; 2) предоставляемые вам бесплатно медицинские услуги (виды медицинской помощи) входят в программу обязательного медицинского страхования. За остальное придётся платить. О том, на какие виды помощи рассчитывать обладателю полиса ОМС, а также куда обращаться, если его права нарушены.

**– На какую бесплатную помощь можно рассчитывать в частной клинике?**

– Получение бесплатной медицинской помощи гражданам гарантировано Конституцией РФ. Наряду с государственными бюджетными организациями медицинская помощь оказывается бесплатно частными медицинскими организациями, осуществляющими деятельность в системе обязательного медицинского

страхования в рамках Территориальной программы государственных гарантий оказания бесплатной медицинской помощи гражданам в Республике Дагестан. Виды медицинской помощи, не входящие в программу обязательного медицинского страхования, или помощь, оказанная сверх базовой программы обязательного медицинского страхования, оказываются за плату. Сегодня в перечень оплачиваемой за счёт средств ОМС помощи, помимо привычной медицинской помощи в амбулаторно-поликлиническом звене и в стационарах, входят многие виды высокотехнологичной медицинской помощи: экстракорпоральное оплодотворение (ЭКО), гемодиализ для лиц с хронической почечной недостаточностью, медицинская реабилитация.

**– Как входящие в программу ОМС частные клиники должны информировать население? Какие услуги они оказывают бесплатно?**

– Медицинская организация обязана информировать граждан о возможности получения медицинской помощи в рамках программы государственных гарантий оказания бесплатной

медицинской помощи гражданам в Республике Дагестан. Во всех частных медицинских организациях, входящих в систему ОМС, должны быть информационные стенды с указанием видов бесплатно оказываемой помощи, чтобы застрахованные граждане знали, какую помощь они могут получить в частных медицинских организациях, функционирующих в системе обязательного медицинского страхования, бесплатно по предоставлению полиса обязательного медицинского страхования и документа, удостоверяющего личность. Одним из условий для включения в систему ОМС является наличие у организации официального сайта, где размещается вся информация об оказываемой медицинской помощи. При условии отсутствия у медорганизации отдельных видов медицинской помощи она обязана п р о и н ф о р м и р о в а т ь застрахованного о том, в какую медорганизацию следует обратиться для их получения.

**Директор Магарамкентского филиала: ТФОМС РД: Балабеков Ю.Ф.**

# ДУЪНЪЯДИН ХАБАРАР

## Чулав гуьулел къуна



Чулав гуьулуьн экваторияда Россиядин истребитель СУ-30-ди США-дин лутквейрин аксина ягъунар къазвай P-8 Poseidon самолет къуна. Идакай Пентагондин векил Мишель Балданза хабар гузва. Адан гафаралди, америкадин самолет къадай члавуз, ам умуми цавун сергъятра авай, члуру са гьерекагни ада ийизвачир. СУ-30 истребительди америкадин самолетда авай экипаждиз еке хасаратвилер арадал гъун мумкин тир. Зур сятда самолетдин геле гьатна. РФ-дин оборонадин Министерстводи хабар гайивал, алатай гьафтеда РФ-дин сергъятра разведка тухунин мураддалди 21 къецепатан лув гузвай аппаратар ва пуд гими пайда хьанвай.


## Дагъустандиз реанимобилар ахъайда



Россиядин премьер-министр Д.Медведева уьлкведин санайиндин Министерстводиз «Гади куьмекдин» автомобилар къачун патал пулдин такьатар ачухунин къарар акъудна. Ахътин реанимобилар СКФО-дин пуд субъектдиз ачулда. Дагъустанни аник акатзава. РД-дин медицинадин бедбахтвилерин Центрдin къилин

врач Къазанфар Къурбанова къейдзавайвал, реанимобилар чаз чарасуз я, абурун куьмекдалди рекъера авариядик акатна хасаратвилер жезвай инсанар къутармишиз жеда. Лап четин гьалара дагълух районризни физ жеда. Ихътин жуьредин махсус техника къачудайбурук Карачаево-Черкесия, Ставропольский край ва Дагъустан кутунва.

## Ивидин дамарар эхцигдай къайда



Медицинадин цийивилер ачухзавай Сенфорд Борнхеман Институтда алмри ивидин дамарар къайдадик кухтадай эксперимент тухвана. Протеинкиназа (Akt) куьмекдалди эндотелия арадал гьана. Белокрин терапия VEGF –ди адан куьмекдалди ивидин дамарар сагълам уьмуьрдин шартлариз хкизвайди къейдна. Гила клиникадин ахтармишунар кьиле духудайвал я.

## Сарар чухъузвай наста сагъламвиллиз зиян я



Баянар гузвайвал, сарарин пастадик канцерогенный шейэр ква. Ада анкологиядин азарар акатуниз рехъ гузва. Кендирагъра, сарарин

пастайра титандин диоксид авайдакай виликдай хабарар ганвай. Люксембургдин илимдин институтда алмри ахтармишунар кьиле тухвана. 100 суткада кьифери хъвазвай циз титандин диоксид ичирна. Малум хъайивал, кьиферин ратгара шийи затлар пайда жезвай. Ваъ, ам рак тушир, риктинни дамаррин азарар хци хъун тир. Къе незвай шиколоадикни кваз титандин диоксид ква. Абурукай жуван сагъламвал хуьн истемешзава.

## Пилотар галачиз лув гудай аппаратар

«Риа Новостри» хабар гузва хьи, «Калашников» тIвар алай Концернди 2018-йисуз гзаф къадара аваз пилотар галачиз лув гудай аппаратар (БПЛА) акъудла. Абуру подзарядка галачиз яргъал вахтуналди, са шумуд тоннралди




парар тухуда. Малуматда лугъузвайвал, абуру операторрин къулайвилер тамамарда. Концернда агъур беспилотникар акъудунални синагъдин къвалахар тухузва. Ихътин лув гудай аппаратри подзарядка галачиз, гьавада са шумуд суткада залан парцин затлар дашмишда. «Калашников»-Россиядин зурба еридин дуьз ва туькIвей яракъар акъудзавай гражданвилин продукциядин чIехи сегмент я.

Гъазурайди: Вадим АГЪАМУРАДОВ

## СПОРТ

## Россиядин чемпион

Тарихдиз хъфизвай йисан 18-20- ноябрдин йикъара азаддиз къуршахар къунай Хасавюрт шегъерда Гъамид Гъамидован тIварунихъ галай спортдин Дворецда Россиядин кIвенкIвечивал патал жегил пагъливанрин арада акъажунар киле фена. Гегенш сергъятдин къулар киле физвай гъужетра Дагъустандин, Республика Крымдин, Чечнядин, Калининграддин областдин, Кеферпатан Осетиядин, Москвадин, Кемеровский областдин, вири санлай къачурла, Россиядин 32 региондай атанвай 427 пагъливанди иштиракзавай. Дагъустандин командадик кваз и акъажунра Докузпара райондин Каракуъре хуърай тир Шихмуратов Атамани иштиракна. 79 килограммдин заланвал авайбурун жергеда Атама сад лагъай чка къуна. А. Шихмуратова вичин буба, тренер Амудер Велимуратовичан гъилик вердишвилер ва мукъуф чирна. Ам кIуъд йис тамам хъайидалай инихъ азаддиз къуршахар къунал машгъул я. Атам Шихмуратов Дагъустандин чемпионатрин призер, РФ-дин спортдин мастер я. ЦIийи йисан вилик – им лап хъсан ядигар, агалкъунрин кам я.



Атам, вун я гъасиррал лап дирибаш,  
ВикIегъвилиз, мукъуфдиз ви гаф авач.  
Бягъскаррал на гъалибвални къачузва,  
Киривийри ваз «баркалла!»- лугъузва.  
Дережар спортда ви къакъан хъуй,  
Европадин чемпион яз чаз ван хъуй!

Шагъбала ШАГЪБАЛАЕВ

12 декабря 2017 года

с 14:00 до 20:00 часов по местному времени

**ПЕНСИОННЫЙ ФОНД РОССИЙСКОЙ ФЕДЕРАЦИИ  
УЧАСТВУЕТ В ОБЩЕРОССИЙСКОМ ДНЕ ПРИЕМА ГРАЖДАН**

Граждане имеют возможность обратиться с любыми вопросами, решение которых входит в компетенцию ПФР.

Предварительная запись на личный прием по телефонам:  
+7 (964) 004-80-40, +7 (8269) 22-343

Адрес проведения Пенсионным фондом  
Российской Федерации личного приема граждан:  
Докузпаринский район, с. Усуччай  
Отдел Пенсионного Фонда РФ в Докузпаринском районе

**Скорая помощь ЦРБ Докузпаринского района**

тел. 8 928 059 84 90, 8 989 868 03 00

## «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**

Докузпара райондин  
администрация,  
Дагъустан Республика

**Учредитель:**

Администрация Докузпаринского  
района, Республика Дагестан

**Къилин редактор:**

Э.А.ГЪАЖИБЕКОВ

**Жавабдар секретарь:**

А.Э. ЭМИРСУЛТАНОВ

**Хуси корреспондентар:**

Ш.О. ШАГЪБАЛАЕВ  
К.Н.ФЕРЗАЛИЕВ  
В.С.АГЪАМУРАДОВ  
З.Э. МЕДЖИДОВА

**Корректор:**

Ш. ШАГЪБАЛАЕВ

**Верстка авурди:**

А.Э. ЭМИРСУЛТАНОВ

**Газетдин индексар:**

Зур йисан къимет - 226 манат.  
Йисан къимет - 452 манат.

**Чандиз вахкай вахт:** 14:00

Чапзавай вахт - 17:00

**Тираж 1200**

Редакциядинни макъалайрин авторрин фикирар сад тахъун мумкин я. Макъалайрин делилрин дуъзвилил патакъай жаваб авторри чни гуда. Макъалайриз рецензия гузвач ва абур элкъвена вахкузвач. Мадни, чпин макъалайра дегишвилер тунал, къилер дегишарунал рази тушир мухбиривай чна абур редакциядиз ракъур тавун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докузпара  
район, Усугъчай хуър,  
тел.8 (8269) 22-345  
e-mail:  
gadzhibekov77@mail.ru  
Наш сайт: www.erenlar.ru